

So502



KBC/Thuso

Regd.No.19134/88  
<https://www.kbc.org.in>  
NAI/220/99  
No-G-4/Regd./Magazine  
KBC/Thuso/MNP-81

Kum 57 Ihinna

Lhakao/Merch 2021



*Pathen mingailut*

APRIL EVENTS

Good Friday 02  
Easter Sunday - 04

"Kapa theng, eini pumkhat ihi bang a amaho jong  
pumkhat alitheina ding un, Mangman amahohi hong in"

John, 17:11



*Participants of KBC School Teachers Orientation  
Inaugural Function, at Dr. Colvin Academy,  
Moreh from 15-17 February 2021 with CEB, Gambih Pastor & C/C Pastor.*



*KBC Mission week ahitoh kilhon in KBC no.8 aum  
Molphei Tampak B/C Mission Board lamkai nan  
Elijah Prayer Mountain. mun ah Ann ngoltaona ana mang uve.*

# CONTENTS

THUMAKAI HO

MACHAALNA TOHGUON/ <i>Editorial</i>	2
PALM SUNDAY/ <i>Rev Lamkeng Lhouvum</i>	4
THINGPEL THUSIM/ <i>Rev. Onkho Haokip</i>	9
Thu chu Pathen toh uma ahi/ <i>Pastor Seikhogin Haokip</i>	15
Mission Column	17
STS Column	21
Literature & Publication Column	27
TAHSA LE LHAGAO HINKHO PUIHING THEI	29
Reports	30
ADVERTISEMENT	31

## EDITORIAL BOARD

<i>Chairman</i>	: <i>Rev. Tonglet Haokip, President KBC</i>
<i>Editor</i>	: <i>Dr. M. Thongkhosei Haokip, General Secretary</i>
<i>Joint Editor</i>	: <i>Rev. Onkho Haokip</i>
<i>Contributing Editors</i>	: 1. <i>Rev. Thongkhohun Touthang</i> 2. <i>Rev. Lamkeng Lhouvum</i> 3. <i>Rev. Tongmang Haokip</i> 4. <i>Pi Lhingbem Haokip</i> 5. <i>Rev. Lunkhosei Tuboi</i> 6. <i>Rev. T. Thangkhosei Haokip</i>
<i>Design &amp; Layout</i>	– <i>Pu S. Lenboi Haokip</i>
<i>Circular Manager</i>	– <i>Pi Vahboi Baite</i>
<i>Recorder</i>	– <i>Ms. Nemhoichong Haokip</i>

## THUSO LAHMAN

Church/Organisation/ Department .....Rs. 300/-  
Individual ..... Rs. 200/- (Post a Rs. 250/-)

Indian Overseas Bank, Imphal Branch  
A/c No. 073201000000350 IFSC No. IOBA0000732

The General Secretary,  
Kuki Baptist Convention,  
Opp. DM College, Imphal 795001, Manipur  
email: kbcindia@rediffmail.com

Advertisement bolnom hon Mobile No. 70895979446 Contact thei.  
Circulation to kisai lam Mobile No. 9862107393 bol ding.

**Editorial...****“KIPUMKHATNA TOHGUON”**


(Gen.37:19)

Editorial

*Vetan, sopi le sopi kipum khat a achen khom teng iti phat a pha lung lhai um hitam! Luchunga thao mantam kinua khamul geiya jolsuh jeng tobang, Aaron khamul geiya jolsuh peh a asangkhol chol ngongkoi geiya jolsuh bep ahi! (Psalms 133:1,2).*

*Amasatah in muntina um Kuki Christian chatejouse ahideh a KBC member ho jouse chung a iPakaiyu Jesu Christa minin sa-laam kahinpe cheh uve. Kum thupia ineiyu chungchona lhatin thupi inei kit un, tulha thupi chu ahileh ‘Kipumkhatna Tohguon’ kiti ahitoh kilhonin, i houbung leh lhangpi hinkhoa sahphat ding tampi lah a pumkhat hina ding hi jong poimo tah khat in kagelin ahi. Hiche article ah hin Kuki Christian te lah a adeh a houbung sunga kipumkhatna ipijeh pena ngaicha ham ti itahlang nomun ahiye.*

*Kipumkhatna umding dei jalla Christa thi ahin, chule vannoiya Ama thu lhangsapna dinga poimo ahi. Khatna, Christian kipumkhatna hi apoimo dan chu Christa hiche ding jeh a thi ahi. Ephesians 2:13-16. Christa houbung khat semdohna dingin masanga kimelma a anaum Juda ho le*



gentile ho kah a kibung khenna chu Cross a sukkeh ahitai. Christian kichenna a kimang thucheng, "Pathenin agopsa chu mihemin sukhen hih hen" atibangin, Christa chu houbung kipumkhat dinga thi ahitoh lhonna eihon jong kipumkhatna itudet jing diu apoimo lheh e.

Nina, Vannoi miten atahsan theina dinguva poimo tah khat chu ahi. Solchah Paul khanga chu Juda mite le gentile te kibung khenna chu ana len tah ahi. Christa chun hiche nam kidou teni cross a agopkhom a houbung khat aso chun vannoiya thil kidang tah asuodoh ahi. Akikhetbeh niding jan a chu anungjuiho pumkhat ahina dinga thempu hina a taovah ahi. Miho mutheiya kipumkhat ihuihin vannoi mite henga Christa iphuondohnau ahi.

Thumna, Thahatna le kivenbitna dinga poimo tah chu ahi. Tulai hi vannoi hihen India sung hijong le vaipoho kikhel jing toh kilhonna Christian ho le houlama neocha chaho (minority religions) dingin pankhom lou ahithej poi. Thuchih lui khat in ana sei, "United we stand, divided we fall" (Ikipumkhat u le idin diu, ikibungkhen u le ilhah/kheh diu" atihi itih phat hihen koima jat lah hijong le adih jing khat chu ahi.

Hiche aphabetna le agilna het jeh chun Labolpa'n, "Vetan, sopi le sopi kipumkhatna achenkhom teng iti pha a pha a lunglhai um hitam" anati ahi. Kipumkhatna hi angaicha mong khat ahi ti ihet u toh kilhonin iumna jouseuva Christianho kah hihen adangho kah hijong kipumkhatna dinga palai ihi cheh diu hi eikikounau ahi ti sumil poute. Lungluttah a simho jouse chungu Pathen vangboh chang cheh tauhen.





## Sermon

### Thumakai :

John Bung 12 Pakai Jesu a dinga Hapta kichaina thusim akisunin ahi. Hiche hi Passion week tin jong akihen ahi. Hiche Gospel ho a hin Bung abon chan bung 89 aumin, Bung li (4) sung hin Pakai Jesu kum 30 hinkho ahichan thusim akiseijin chuleh Bung 85 sunga hin Pakai Jesu kum 3 leh akeh thusim Ministry aseidoh in ahi. Hiche Bung 85 lah a hin Bung 29 sung hin Pakai Jesu hapta kichaina ( Last week ) thu aseijin ahi.

Gospel 4 in abon chan ase chu tunia isei doh diu ahi. John 12:12-19. Hiche sung'a kimu Sangan nou hi Vannoi leisetna sangam nou lah'a dinga avang phapen ahitai. Ama a kon'a hi Pathen chapa chun OT a kon'a Themgao thuphon Jerusalem achene chu su bulhitna anei ahi. Sangan nou hinkho hi kum 30 leh kum 40 kikh in ahingin, abang chu kum 60 chan ahinge atiuvin ahi. Ipi dinga

1.Sangan nou hin Bilkol asangin ( Long ear) aneijin ahi.Hiche hin gamlatah a kon'a mile gamla tah a kona thu kisei aja phan ahi. Tunia Pakai Jesu loupe tah'a Jerusalem alut ni hin, hiche hi Jewish calendar a chu Nisan 10 nikho ahi. Hiche nikho teng leh Jewish ho chu Nisan 14 nikhoa Passover ding'a kitha ding gancha akilhen jiu ahi, hiche nikho hin Pakai Jesu Dongkey chung'a ahung touvin Jerusalem ahung tan ahi. Nisan 10 hi ei ho calendar a 6th April 32 AD .

Jesus more appealing than religion :Vs 12 Pakai Jesu chu Houthu sang mipi, te temna

aneijon ahi. Hiche nikho hin mun chom chom'a konin mipi ahing kikhom in ahi, Kalchuh kut mang din ahunguvin ahi. Mipi ho chu Jesu sangan chung'a ahung amu phat u Hossana tin kholhang asam taovin ahi. Pakai min'a hungpa chu nun nom hen, Chung nung pen'a Hossana atiuvin ahi. Hiche a kholhang sam ho hi Hou gut ho ahiuve. Jerusalema

Kut manga hunguva hi. (Passover) Passover, Pentecost chuleh Tabernacle ahi.

Passover hi amah o dinga nikho thupi tah ahung hitai. Pakai Jesu ahung amu u chun Hossana tun nei huhhgingun tin mipi ho chun asam taove. Mark 12 mipi ho chu mipi ho chun kipah tah in asang taove. Jesu chun Houthu a kinit nikho ahi tia che ahipoi. Hiche a hin alui leh athah akibah louna aumin ahi. Matthew 15 a chu nasei jui ten, danthu anit pouve, khut sop louvin an ane-ovin ahi. Houthu a chu apolang aphonng doh in Jesu chu asung lam aven ahi. Hou thu chu Hiche hi nabol thei lou ding . Houthu chu chun nangman hiche nabol ding ahi. Pathen chun keiman kabol peh tai.

Luke 19:41 Jerusalem chungga akap in ahi. Akap in ahi, vs 42 AD 70 a chun hiche thu kisei chu agui lhung tan ahi. Daneil 9:26-27

1.Hiche hi Donkey atoiu hi leng ahina aphon doh ahi. Seijui hon ahethem pouvin ahi. Dongkey hi koima cha tou na khah lou ahin, Jesu chu Jerusalem a apui lut in ahi. Donkey Zachariah 9:9 bible chang chu ama chungga lhunga ahi.

Zachariah 9:9 Sangan chungga ahung touvin ahi. Lesson from the Donkey

1. Peace burden : Paul , kalung-

setna hi alhingset tai.

2. Koima tou na khah lou Mark 11; 2 Pathen in Dongkey ipi dia alhen ham ? Itiha apoh khah lou apoh ahi. ( Un coliffy 2 corith 7:7 Pakai Lhagao vang'a chu poh gih chu @ 2.Samuel 7 kei koi kahija Job in kei kahim ( uncolify)

3. Donkey burden ama chu Jesu Christa apoh ahi. Jesu chun van- noi chonset chu apoh ahi.

Koima touna khah lou chu Donkey hi symbol of peace Horse was symbol of war. In his second coming a chu Horse a hung hung ding , tuchunga hi chamna hunga ahin , ahung kit teng leng hina hung ding ahi. Amah o chu we want our deliverance

### **Luke 19:28- 42 Palms Sunday**

1.The presence of the king. Donkey Symbolise Peace , Biblical time , he was coming in peace. Pakai Jesu chu Donkey alhen hi significance ahi. Zachariah 9:9 Lengpa um na a chu cham na um ding ding ahi. Pakai Jesu ama tah jong chu chamna leng chapa akitin ahi. Chamna kiti hi alhasam pon., Chamna kiti hi Thahat tah ahi. Tunia Palms Sunday nikhoa a hi Pathen in ama a chamna chu inei diu adeijin ahi. Gospel a chun Tui Mark 4: 27 Hui hat tah anungin ahi. Seijui ho chu akicha ta taovin ahi. Jesu chu ihmu ahi. Jesu chu Peace be still. Hiu chu

at rhip tan ahi. Chamna na nei leh chamna thu nasei nthei ding ahi. Nang ma chamna na nei leh chamna nanei ding ahi. Ipi dia kicha na hui ham Where is your faith, hiche pa hi koi hija hui kisanin athu a anunge, His name is Jesus , chule ama hi Prince of peace. Hallelujah. Huipi sanga chu chamna chu tha hat jo ahi-tai. The peace is Conner stone . Chamna chu abul a pang'a ahitai. Hiche hin avetsah chu Huipi gopi sanga Peace chu thanei jo ahitai. Tunia itobang huipi nahinkho a naneijem ? Ahin tunia iseinom u chu Chamna chu ahung ahung tai. Chamna leng chapa chu ei ho lah'a uma ahitai. Jesu Christa thahatna a chu Huipi chu nano-doh thei ahitai.

Pakai Jesu chu Chamna pu in Jerusalem'a ahungin ahi. Bible in hitin aseije, Philip 4:7 Tuni a Vanoija Boina tamtah um jong leh Jesu Christ chamna chun ei umpi diu ahi. Passion week a Jerusalem a hung ahi. John 14:27. Lungmon kadadalhah peh nahiuve. Pathen a kon'a chamna chu eipeh u ahi. Ama ahinkho achaina channa chu chamna chu ahin peh ahi. Gideon Judges 7 Keima aneopen kahi. Pathen chu Gedion kom'a Jehovah shalom in ahung kipeh ahi. Gedion in angaichat pen chu lung mon'a chu ahi. Palms Sunday a hin Pathen chamna chun ei umpiu hen.

## 2. The praise of the king :

Lusuna akichoi u chu gal jona

ahi. Blessed is he who come in the name of the Lord. The power of praise and worship, amazing song in the Hymn. Kalhagaovin angaije Our God is worthy of worship. Pakai Jesu Jerusalem alut a chu mipi hon Hossana asamun avahchoi taovin ahi. Ei ho jong Palms Sunday iman nikho a hi kipah tah'a amin ichaoi at diu ahi. Leng ho leng Pakai ho Pakai chu ilah uva hung lhung ahitai. Miching hon Pakai Jesu ahung hol'a chun thil peh choipumin ahunguvin ahi. Dan dung juija chu Lengpa khat kom'a che ding chun thilpeh achoijiu ahi. Hibang'a chu ei hon jong Pakai kom'a thil peh ichoi diu chu Ama vahchoina chu ahi. ( Give our praises to the king ) Psalm 100:1-3 Hiche hi kingdom word ahi. Pakai chu leng len ahin Pakai ho Pakai ahin Ama chu ivahchoi diu ahi.

Hiche ni chun Amah on nasatah in Pathen avah choijiu ahi. A Prarises ho chu phoh thip in atin ahi. Hinlah Pakai Jesu in Luke 19:48 Pakai Jesu amah o hi thip u hen lang hileh songpi ho ho jong hung aodoh ding ahi. Amah on ei vahchoi louvu leh song hone i vahchoi diu ahi. Tunia ei hon jong ivahchoi lou luleh Pakai vah choi ding athil dsem hon adon-but ding ahi. Hallelujah. Ama chu leng ahi, ei hon ivah choiu hen vahchoi lou jong leh ama chu leng ahi thouvin ahi. Mes-sage cjhu, Leng pa chu hung



ding ahi. Khup jouse dilsu a lei jousen Pakai chu avah choi diu ahi. Ama chu leng ho leng Pakai ho Pakai ahi. 2nd Chronicle 20: story of king Jehosaphet, Amah on Pathen avahchoi phat un gal chu Pathen in ajo peh tan ahi. Amah o dia kisei peh chu Pathen avahchoi diu chu ahi.

### **Pakai chu nacham lhat sah dinga hunga hung ahi.**

3. The Purpose of the king : A phat chu lhing'a ahitai. Palms Sunday hi ministry achaina kipatna ahitai. Amah o chu leiset leng leh ahuh doh diuva agellu ahi. Hosanna tia sam ho chu ipi ding'a Thing pel'a khen beh un ati thei u ham ajeh pen chu ahung lona chu aheth louv ahi. Hijeh a achu purpose het angaijin ahi.

Amah o chu phat chom khatna dia bou avetnu ahi, ahin ama chu tonsotn lengpa dingin joh ahunge. Tunia Leiset thil lam jeng ivet teng tonsotna di akisumil jin ahi. (They are looking for temporal, but Christ came for eternal. When we fit our for temporal we miss eternal things). Ipi dia hitia hi um ham, Gedion kom'a Pakai akilah'a hchun Pathen chu aum'a ahileh ipi dinga hiti ho hi soh a ham? Pathen chu aum monga ahi leh ipi dia hitobang soh ji ham? Pathen in hibanga hi ei ngailut leh ipi dinga hitobang thil ho chu kachung a alhun sah ham? Ama lampi chu ei

ho lampi sangin asang jon ama lung gel chu ei ho lungel sangin athuh jon ahi. (His ways is higher than our ways) Amah on leiset leng gam tung doh di agellun, ama chu tonsot leng gam tung doh di ahunge. Ama asem doh leng gam chu itih a jong koi-man asuh lhuh tah lou ding ahi. Hiche a Hosanna sam ho chu nam jatni aume. Abang khat ho chun economical change ding agellun ahi. Seijui 12 ho chu kum 3 jui ho chu Jesu chu asopi pao in ageelun ahi. Amah on Jesu ahung lo na pen chu ahepouve. Peter jong chu thumvei aseilep in ahi. Nangman jong Jesu chun alung thim pumpia kangai lu nati ding ahi, hin lah nalung thim gil sunga lung lhahna jong nanei thei ahi.

Tunia good new chu Christa chu ahungin ahi. His ways higher than our way his thought are .... Ama chu leiset lenggam tung doh ding ahipon, Van gam leng gam tung doh ding ahi. Itih a jong kisu se thei talou ding chu abiola ahi. Ama abol chu ahen ahi. (He knows what he is doing) Nangma anachang nahipoi, Aman na umpi jinge.

Room sung'a thil jouse akehsohtan, ahin Glass case khat keh louvin aumi, hichu ahon doh u leh Bible chu akiphong doh san aumin ahi. He was there.

God is the God of purpose . Hahsatna itonao va hi he is with

you. Tunia genthei ito nao va hi na mit chu ama lam jeng ve in (Fit your eyes to him alone) Pakai lam chu ve jingo hite. . Amah in ahung lona chu mission chu achai ahitai. Tunia ei ho dia jong hitobang purpose chu isu bulhit diu ahi. He is with you He came to fulfil his purpose on the cross. He fulfil his destiny, we can fulfil our destiny. He knows what is mean to suffer, he is with us.

The presence the king, The praise , the Purpose

4.The Passion of the king: Luke 19:44- Jerusalem aka chamin ahi. Ama chu khopi chung'a akap in ahi. Khopi chung'a akap in ahi. Aman kho mite lah'a avah len, na atongin keima nang hot oh ka um khomun ahin neisang pouve. Tunia jong Pakai Christa ilah uva um isan thei lou nao tampi aumtai. Tuni Pathen lungetna

khang hi gelu hite. Ei ho chung'a Pakai ijat vei akap tadem? Jerusalem alai nat pi bang'a Christa thoth na chu ilainat piuu hinam? Saviour saviour Luke 24: Emaus kho jon teni Jesu Christa ( Lk 24:15) Amah o akilhonna chu amani chu koi ahi ahepoi. Ahin akilhon Ihon na a chun , amit lam Ihon aki keuvin ahi. Pakai Jesu alung tup chu amit Ihon akikeu di chu ahi. Tuni a Jong Pakai a dia mit ho hah doh din ei deijun ahi. Ama aphot cha ikisan diu adei ahi. Isan khel khah diu ti jat aumin ahi. The world is now, now is the time his coming Revelation 7:9 Mi nam kim ma anga adingun ahi. Mi jouse lal touna anga chun atouvin ahi.

Pakai chu hung kit ding ahi, ama ahung teng leh sangan chung'a hung talou ding ahi, loupe tah'a leng hina a hung ding ahi tai.



Participants of KBC School Teachers Orientation Inaugural Function held at Dr. Colvin Academy, Moreh from 15-17 February 2021 with CEB, Gambih Pastor & C/C Pastor.

# THINGPEL THUSIM

1 Corinthians 1:18

Rev. Onkho Haokip

## Sermon

“Thingpel thu chu amangthai dingho ding in ngolna ahi; asohcha ding eiho ding vang in Pathen thahat ahi.”

Thingpel thu hi giltah le thuhtah ahitoh lhon in ahung kipatdan le ahung kimmelchih dan thusim achen chaia het ding aloupi in ahi. Athusim umdol hi jaotah le thuhtah hijongleh chomkim tah a hetbailam ding in het ding le melchih ding’a kilom phabep hiche bung ahin ahung kitahlang in ahi.

### Thingpel lim le melchihna

Vannoiya Hou le sakho um jouse in ama ama kimmelchihna ding in kihetna lim le melchihna khat cheh anei uvin ahi. Hicheho jouse chu aboncha sei thei hijongleh hiche lekhabua hin sakho li, tichu – Buddhism sakho kimmelchihna, Judaism sakho kimmelchihna, Islam (Muslim) sakho kimmelchihna chule Christian sakho sakho kimmelchihnaho themkhat khat in ahung kitahlang in ahi. Hicheho hetna akon hou le beh in achepiho le athilbolho’u lhenkhen themna um thei ding ahi.

**Buddhism – Twipah (Lotus):** Twipah (Lotus) pahcha hi India mite, Egypt mite le China mite in melchihna jatchom chom in mang jongleu Buddhism (Buddha thuhil juiho) melchihna le hetna in jong apang in ahi. Twipah (Lotus) kitihi twi chung’a leng bang’a hing’a chule twi jeh a avel vel’a hing kit ji ahi. Hiche bang’a chu Buddha chu hiche pahcha bang’a lengchang ahidan chule hinkho avel’a hing kit thei ahidan photchenna le vetsahna ahi. Hiche jeh hin Buddhism sakho nungjuite in Twipah (Lotus) hi agelkhoh uvin, kimmelchihna le kihetna injong anei uvin ahi.

**Judaism – David Valpa:** Masanglai chun Judaism (Judah Sakho) chun Mose Thusom Nina a lim semthu hou lou ding kiti jeh in Pathen lim melchihna ding kitihi ana bol nom pouvin ahi. Ahin tukhang lang’a Judaism hon vang David Valpa ahilouleh Lum (Shield) kitihi akitah un, melchihna le hetna in anei tauvin ahi. Hiche hi Pathen in David toh kitepna anasemho geldohna ahin khatvei le Messiah chu David laltouna hung tou ding, Messiah chu David akon’a hung peng ding vetsahna le melchihna ahi. Hiche jeh hin Judaism sakho nungjuite in David Valpa hi agelkhoh uvin, kimmelchihna le

kihetna injong anei uvin ahi.

**Islam – Lha thah le Ahsi:** Islam (Muslim Sakho) chun kimelchihna le kihetna ding in Lha thah le Ahsi lim anei un ahi. Amaho chu phat khat laiya agamsung uva anakholjin-nauva janlai lam jotpet, ahideh'a, chung'a lha le ahshi vah noiya lam ana jot uva a-pathen'u lhonpina achannau vetsahna ahi. Hiche jeh hin Islam (Muslim Sakho) sakho nungjuite in Lha thah le Ahsi lim hi agelkhoh uvin, kimelchihna le kihetna injong anei uvin ahi.

**Christian – Thingpel (Cross) –** Christian sakho jong melchihna beiya um ana hipoi. Phat masa lang chun melchihna le kihetna hi ana um pon ahi. Rome khopia Christian ana kisugentheinaho leinoi lang'a ana umnauva chun, bang dung'a chun vahong lim (tonsot vetsahna), khutphang lim (Goljo vetsahna) le nga limho ana jih jiuvin ahi. Nga (Fish) chu Greek paova ichthys kiti ahin hichu Greek paova Iesus Christos Theou Huios Soter (Jesus Christ, Son of God, Saviour – Jesu Christa, Pathen Chapa, Huhhingpu) kisuchom (short form/acronym) toh kibang ahijeh'a nga lim chu ana jih jiu ahi. Tulaiya nga lim kitah le khohsah phabep um nalai jongleh alhangpi in mijouse in amang tapon ahi, ajeh chu athucheng chomlam in kilona neijongleh Christa lim vetsahna'a pang thei tahtah lou ahi.

Phat ahungche toh kilhon in AD 200/300 vel akon in Christiane in kimelchihna ding le kihetna ding

in Noah Kong, Abraham Maicham phung, Daniel humpi hongsung'a aumpet, Jonah ngapi'n alohlhahpet, Jesu Twi lutna lim, Kelngoichingpu in kelngoi alengkouva aput pet lim, nakong chatmopa kisuhdam pet lim chule adang dangho ana mang uvin ahi. Ahinlah hicheho chu ajihho le amangchaho tilou adang ahe aum theilou jeh in achesao thei po'n ahi. Christiane in melchihna dang dang, tichu– Jesu ahung penna Gan ankong, Anatohna Thing Them, Galilee ajotna Kong innei, Seijuite keng asilpet'a akivonna Sangkhol, Athohkitna vetsahna Lhankhuh sinna songpi, Leng ahivetsahna Laltouna, Lhagao Theng vetsahna Vakhu kitiho hi melchihna a man thei cheh ahivuvin ahi. Ahinlah Jesu penna thil hilou, damlai thilho hilou, thuhil toh kisamkai thil hilou, Leng chan pet thil hilouvin, athina mun Thingpel joh hi Christiane kimelchihna in ahung pang in ahi.

North Africa a Bible thempa Tertulian chun Thingpel hi AD 200 lai chun ana mang pan tai akiti'n ahi. Rome a um Hippolytus chun AD 215 chun Thingpel thu le mihon agelkhoh dan'u ana seiye akiti'n ahi. Chuchelai chun houbung sung'a Bishop in mi athenso ding tengleh Thingpel lim chu ana mang cha jiuvin ahi. Mihemte in lhepna ato teng uleh achal pang uva Thingpel ana kijih jiuvin ahi. Ajeh chu hiche Thingpel chun thilse akon mihemte adaldoh ahi tia anagel'u ahi. Emperor Decius in AD 250-251 sung'a Christiane kisungenthei jeh'a mi

asang sang thi lai chun North Africa Carthage a Bishop Cyprian chun miho'n Thingpel bel'a hichea chu kivenbitna thum ding ana ngaito dan'u thu ana sei in ahi.

Kum jabih 16 lai chun mi tamtah in Thingpel hi manchah lou ding ahi, ajeh chu hichehi melchihna manchahna ding in Bible in ahilpoi ti'n ana hillhang leuvin ahi. Leng Hezekiah in sum-eng gul limho ana suhset bang'a Thingpel suhmangna ding'a mi tamtah in pan analah lai uchun London a um Richard Hooker chun hinna Thingpel thu ana dinpi in Thingpel suhmang louva man chah jing joh ding thu anasei in ahi. Rome vaipo (emperor) lah a Constantine chu Christian himasapen anahi. Eusebius kitipa sei dan in Constantine in AD 312-313 a lhumlam gamkai lahna ding'a gal abol chun van'a Thingpel lim ahung kilah in thucheng khat toh ahung umdoh in – in hoc signo vinces (conquer by this sign/ Hiche melchihna ahin gal jouvin) kiti amudoh toh kilhon in ama (Constantine) in hiche Thingpel lim chun gal abol in ahileh Battle of Milvian Bridge chu anajouvin ahi. Hiche apat chun Constantine in agamsung'a Christian sakho ahin lutsah in chule Thingpel khohsahna ahinnei in ahi. Khang che dungjui in Christiane in kimmelchihna ding jat chom chom hin nei jing ujongleh achesaopen le atamjo in apom jing pe'n chu Thingpel ahi.

Masanglai vannoi mite in Thingpel kiti amuset dan uleh achung'a

mihem hinkho melse le gimnei tah a kilah dan chu Christiane in kimmelchihna le kihetna ding in ahin kilhen tauvin ahi. Paul chun Thingpel thu chu amangthaiho ding'a ngolna ahi anati'n ahi (1 Cor. 1:18, 23). Thingpel chu jachatna mun, thilse lhunna mun le thina mun ahi. Hiche Thingpel'a kithana hi masang'a hamma paomah (Barbarians) hon tonlaiya pat ahin chepiuva hichu Phonecia mite, Carthage mite, Greek mite le Rome mite in ahin che jompi hiding in tahsan aumin ahi. Mihemte ding'a kithana lah'a agimneipen ahijing nalaiyin ahi. Ajeh chu gentheina sangpen le gimbolna sangpen kipea kino loutah'a thina mun ahi.

Rome mite in Thingpel'a kitha ahin jui utoh kilhon in thilsebolho, tichu - tolthat, manchah choiya mi bulu le gam dang mite thana in ana nei jiuvin ahi. Rome Sepai lamkai, General Varus chun BC 4 chun Judah mi 2,000 val ana khailih in ahi. Chule General Titus in AD 70 a Jerusalem asuhchim chun Judah mite tamtah ana khailih in ahi. Atam khailih dan chu akimvel achun Thingpel ding thing jong akiholmo in chule akhaina ding mun jong a-ong tapoi akiti'n ahi. Rome mi hina nei khat chu seilnah theiloubeh sukhel ahi lou leh Thingpel'a kikhailih ngai lou ahi. Judate vang chun thingpel'a kikhethbeh hi anachepi pouvin ahi. Amahon achonseho chu song'a aselih jiuva, aselih'u kimkhat chu Pathen'a kon gotna chang ahi tivetsahna'a thingchung'a akhai jiu ahi (Deu. 21:23).

## Thingpel chi chom chomho

Thingpel kitihi Greek paovin Stauro akiti'n chule Latin paovin Crux akiti'n ahi. Hiche Thingpel'a kikhethbeh hi chonse khat kibolna ding'a jachat umna chungnungpen ahitai. Thingpel'a kikhethbeh hi kisuhneona nempen'a kigel ahijeh chun Rome mi hina nei khat chu hiti hin akibolji poi. Hethei ding in, Jesu le Peter chu Rome mi hina nei ahilhon lou jeh chun khetbeh in ana um lhon in, Paul vang chun Rome mi hina ananei jeh chun ana kikhenbeh pon, alol joh ana kitan in ahi. Kikhethbehna thing (thingpel) chu jat chom jep jep ana um'e.

Kikhethbehna thing masapen chu khomphung khat seh tobang ahin hichu Crux simplex akiti'n alimput dan chu "I" lim tobang ahi. Aninapa chu Crux Commisa (St Anthony's Cross) akiti'n, alimput dan chu "T" lim tobang'a um ahin thing khat chu achung'a avaiya khat kijam kit ahi. Athumnapa hi Crux Decussata (St. Andrew's cross) akiti'n alimput dan chu "X" lim tobang'a um ahin, thing ni kipelto ahi. Hiche thingpel hi Peter kikhailihna chu ahi. Alina le achainapa hi Crux Immissa akiti'n alimput dan chu "+" lim tobang'a kitem ahi. Hiche hi Jesu kikhethbehna chu ahi (Matt 27:37; Mk. 15:26; Lk 23: 38; Jn 19:19-22).

Thingpel kiti poujou hin koudoh anei deh poi, ahinlah akikhenbehpa Jesu Christa jal in koudoh lentah le thutah aneidoh in Hinna Thingpel ahung kisohdoh in ahi. Ajeh chu

hichea thina chun mijouse ahuhdoh ahitai. Hiche thingpel thu hi phat chesa le tukhang, chule khang kit adia manlu pen hijing ding ahi (Gal. 3:1). Thingpel thu hi leiset chihna thu toh kikal'a ahi (I Cor. 1:17-2:5). Hiche thingpel thu hi Greek mite le Judate ding'a ngolhoi thua kilang ahin (Gal. 6:12-15), ahinlah mihema ding'a lhahsamna'a kilang chun Pathen thahatna chu atahlang doh joh ahitai (I Cor. 1:18).

Paul chun thingpel loupina hi thucheng chom in akouvin, "lhatdamna" "themchanna" ati'n ahi. Thingpel chung'a man kipe chun vannoi chonset hi asuhdamsoh hel ahitai (Mk 10:45; I Pet. 1:18). Mihemte chonsetna jouse chu thingpel chung'a chu kipodoh'a hichea chu Jesu'n asuhbei soh hel'a Pa kom'a lhuntheina ding'a kot jaotah'a ahondoh ahitai (1 Pet. 2:24). Hiche natohna hin Pathen le mihemte kikhah (Col. 1:20) chule mihem le mihem (chiding namdang le Israelte) kikhah'a chamna aso ahi (Eph. 2:13-16). Jesu chu Khopi pam lam'a chun akikaidoh in ahi (Heb. 13:12-13). Jesu chu thingpel chu akiputsah un ahinlah phat sot tah thisana long ahijeh chu apujou pon, aphaat jong chu Kalchuh Kut toh kinai ahijeh chun agan nathei ding in Africa gam'a Cyrene mi Simon chu aputhu sah un ahi. Hiche Simon hi Alexander le Rufus pa ahi (Mk 15:21).

Amahon Jesu chu Aramaic paova Golgotha kiti Lugu Mun achun apuidoh un ahi. Hiche mun hi mitampi



kithana mun ahijeh'a lugu tamtah um ahin hijeh'a chu Lugumun kiti ahi. Kimkhat in vang chuti chu ahipon, amun amoul umdan joh hi Lugu toh akilo jeh'a Lugumun kiti ahi atiuvin ahi. Hoi chu hileh Jesu kithana mun chu anahi. Jesu thingpel leh achun Pilate in "Nazareth Jesu Judate Lengpa" ti'n Hebrew (Hebrew-Aramaic) pao, Greek pao, chule Latin paovin asunin atah doh in ahi. Hiche hi Bible thu kitahdoh (Tract) masapen hiding in tahsan aum in ahi. Hebrew pao chu Juda miten anatho u ahin, Greek pao chu ahileh chuchelai khang'a Sarkal in anaman ahin, Latin pao chu kailhang dung'a mijouse'n atho le aheth thei pao ahi. Mijouse'n ahethaina tei tei ding'a pao thum'a ana kijih ahi.

### Jesu le Thingpel

Thingpel kiti hi adei jong um intin adeilou jong um ding ahi. Hiche Thingpel hi mihem hin gon le gel jeh a Christiante in hung kimang hiponti'n Jesu Christa amatah lungthimma ana umsa joh ahi. Jesu kum 12 alhin'a Jerusalem houin'a anu le apa in aga holdoh pet lhon chun, "ibol'a keima nei hol uham? Ka pa in a ka um in, ama na ka toh ding ahi," ati'n ahi (Lk.2:41-50). Jesu in Pathen akon'a tohdoh ding neiya leisetna hung ahidan akihet in ahi. Jesu Twilut le Gamthip gam'a lhiep patep'a ana um chu Satan thua nun'a nopsahna hinkho hilouvin, Pathen thua nun'a gentheina hinkho manna ding joh anahi.

Pakai lhacha na ahin toh phat chun Jesu in seijuiho kom'a chun mihon Mihem Chapa ahin suhgenthei diu, ahin doudal diu, chule ahin tha ding'u thu ahinseidoh pan tan ahi (Mk. 8:31-32). Hiche agenthei ding le athina dingho jouse hi Pathen thilgon ahin, kisel theilouhel chu ahitai. Peter in Jesu chung'a thilse lhun ding adeilou vang in hichu Pathen thilgon toh kikal ahijeh in Jesu in aphoh in ahi (Mk. 8:31), ajeh chu Jesu in alampi ahah le abai abonna akihet ahin itobang hijongleh akimaitopi tei ding chu ama kiphalna ahi. Hiche akon hin Jesu in agenthei thoh ding le akitha ding thu aseijing tan ahi (Mk. 9:31; 9:51; Matt. 10:17-19; Lk. 18:31-34).

Jesu in athi ding avel avel'a aseidoh hin Seijuiho ding'a kigotna phat apehna ahi. Isaiah lekhabu in Akisugep Lhacha (Is. 53) ati leh Daniel lekhabu in Mihem Chapa (Dan. 7) atiho jong aboncha agui lhun ding jeh in Pathen lekhabua kisun chengse chu guilhung ding ahi ti'n ana seijing in ahi. James le John anu in Jesu kom'a achavou lhon ding ahung thumchun Baptize ka chan hi angap lhon ding hinam ti'n ana dong in ahi. Hichu genthei hesoh le thina ato dingho aseidohna ahi. Jesu Christa in lhachana ahintosh apat in ahoulimna tamtah'a Mihem Chapa kisuhgenthei ding, mihon apapai ding'u chule akitha ding thu hi lhangphong tah'a asap phong jing khat chu ahi.

Cana khoa moupui golvah achun

Jesu in “keima phat alhing hih laiye” anati’n ahi (Jn. 2:4; 7:8). Chule ama chung’a chun khut alha pouvin ahi, ajeh chu ama phat lhinglou lai ahi akiti’n ahi (Jn. 7:25ff). Jesu Jerusalem anungpen’a alut chun, “tun phat ahung lhung’e, mihem chapa loupina ding” ati’n chujouvin ka lung akham tai ati kit in ahi (Jn. 12:20-28). Chuin Indan chung’a aum pet uchun nivei jen ase in leisetna ahung’a akile kitna ding phat alhin thu aseidoh in ahi (Jn. 12:27).

Jesu chun leiset mihem dang bang’a nikho khat le ka thi ding ahi tia aheth ahipon, amavang athoh ding jouse le athi ding dan jouse jong ahetsa ahitai. Ama chu Judah sakhua lamkaiho le mipi in ana doudal ding’u ahi (Mk. 3:6); Ama chu Pathen lekhabu theng in thi ding’a ana sei jeh’a thi ding ahi (Mk. 14:21; Lk. 24:25-27; 44-47); Ama chu mi jouse khel’a athi ding’a hung kipedoh ahijeh’a thi ding ahi (Lk. 19:10; Mk.10:45). Hiti ahijeh hin Ama thina ding hi ahitei tei ding thu ahitan, imacha in asuh-tang joulou ding thu ahitai. Hiche jeh chun Aman athina ding thua hi “Tei” (“Must”) kiti thucheng aman jia, “mihem chapa hi thi tei tei ding ahi,” tiho ana sei ji ahi.

Mihem chapa hi mihon asuhgen-thei tei ding u chule apampai tei dingu ahi. Ama chung chang’a kisun chengse guilhung tei ding ahi. Ama in thina anato chu ama lhahsam jeh le panpi ding mi aneilou jeh ahipon amavang Apa thilgonna atohdoh got jeh le thunun jeh ahin hichu michonsete huhdohna ding jeh

ahi. Jesu in ahinkhoa thil tamtah um jongleh ahunglona le agaljona ding mun le phat Thingpel thu hi achungnungpen in akoi jing in ahi. Hiche hi Jesu in Thingpel amudan le apom dan ahi.

### **Solchahte le Thingpel**

Solchate in alekha sutnau atamjoa chun Jesu chu Pathen thu dunguia kisugep’a chujoule thokit ding ahi dan aha sei un ahi (Acts 2:14-39; 5:29-32; 1 Cor. 15:3-4). Chule Jesu chu thingleh’a akikhai sang’a mihemte ahuhdoh thu jeng ahasei un ahi. Jesu thodoh thu akisei chan in Jesu thi thu akisei in ahi. Ajeh chu thina aumlou leh thokitna um thei lou ahi

Paul chu thildang’a kisong louva Thingpel abou kisong ding in ase in ahi (Gal. 6:14). Peter chun Jesu Christa thisan mantam tah jeh’a hinna aumdan ase in ahi. John chun Jesu Christa chu Pathen mihem hung kisah ahin, ama thisan thengtah jal’a chonset jouse akisuhtheng dan aseidoh in ahi (1 Jn. 3:16; 4:9, 10). Hebrews lekhabu sunpa chun Jesu chu thil jouse sang’a chungnungjo Ama thisan jal’a khatvei’a mijouse ding’a tonsot hinna hinpedoh ahidan ase in ahi (Heb. 8-10). John in Thuphon lekhabua ase dungjui in Jesu chu ahing le athi chung’a thunei le athisan’a mijouse chonset subeipati’n ase in ahi (Rev. 1:5; 18; 5:5-6). Vangam’a umho chu namtin vaipi ahiuvin amaho chu Christa thisan’a avon kisop thengho chu hiding’u ahi (Rev. 5:1-6).

## Thohhatna le Thingpel

Mihemte in Jesu chu mipi maiya jumso uhen hijongleh Jesu in vang Thingpel'a natna le jumna jouse athoh jouna ding in akinemthol in ahi (Heb. 6:6; Phil. 2:8). Jesu genthei thohnaho chu Ama ding'a loupina ding anahi kit in ahi. Tahsanna in khonung loupina ding amupha jouvin, tahsanlouna hinkho in lhah-daina bou amupha in ahi (1 Cor. 1:18-25). Islam sakho chun Christa Thingpel'a athi hi apom nom pouvin ahi. Ajeh chu Messiah thina ding in kilom asapouvin chule mihem khat hinna chu midang khat ding jeh'a thi

lou ding'a agel'u ahi. Thingpel kiti hi hinkhoa ding'a ijakai kikaigopna ahi.

Mihemhon dem henlang, chule sakho danghon itidem jongleh Thingpel manlutna hi mang deh lou ding ahi. Christian sakho hi akhang akhang in miho dem le seiset in ahung um toupeh in, adihlouna photchenna pea kigel jong tampi aum jing in ahi. Christiante invang hitobang vannoi mite angung'a iumnauva Thingpel thu hakattah'a isei uva pan ilah khom jing ding'u ahi. Christa thu kisei chu Thingpel ahijeng in, Thingpel thu kisei jong chu Christa ahijeng in ahi.

## Gambih 21 a um Phainom kho a Houin thah Kot honna



Achesa Dec. 31, 2020 nidan 1:00pm in KBC No. 21, Khopijang Area sung a um kothah Phainom kho a Houin thah kisa chu Gambih Pastorpu Rev. Onthang Haokip in Thenso - kothonna aneitai. Hiche nikho ma2 hin Gambih sunga Houbung a 10 lhinna sin Gambih Pastor pu'n phondohna aneiijin ahitai.

Phainom B/Church

In jar - 7

Mihing Jat - Numei - 15

Pasal - 13

Head Deacon - Mr Thongkholun Khongsai

Secy - Mr Obed Haokip

Treas - Mr Jamvum Jou

# A til a chu thu um ahin THU CHU PATHEN TOH UMA AHI chule thu chu Pathen ahi.

(John 1:1)

*Pastor Seikhogin Haokip  
Lecturer Shalom Theological seminary*

## Sermon

**Thumakai:** John 1:1 sung hi isim jitengle John in midang to kibang behlouva, "atil a chu thu um ahin, thu chu Pathen to uma ahin, chule thu chu Pathen ahi" tia apat jeng hi thil hetbai behseh vang hilou ahi. Hijeh chun hiche article in adoi le atop chu hilaiya John in "THU" (Gk-Logos) aman hi hoiya konna alah a chule ipidia aman ham ti chomcha ina vet diu ahi.

1. Thu (Logos) : Logos kiti theory hi John in Gospel ajih masang peh a pat-a Greek ten ana ngaipoi mo l'heh u chule ana minche l'heh ahi tai. Hiche, logos kiti theory hi Greek ten ipi ti ana het uvem iti leh-Greek miching minthang Zeno (336-263 B.C) kiti pan ana phudoh Athens khopia pansa Stoic kiti group khat ana um uvin ahi. Ama hohi solchah Paul khanglai gei jongchun a um nalai uvin Paul in Athens khopia Silas le Timothy a-nga sungchun hiche group ho hi ana kinil pin ahi ( Acts 17:18). Hiche stoice kiti Greek miching ho tahsan chu Pathen le mihem kikhah ah hin onghom ( gap/space) lentah a um in,

ahin hiche onghom jopmat chu "THU" (Logos) ahi atiu ahi. Hiche Logos hi thu seh seh ( simply oral word) hilou vin, Thil theng (Logos is Divine), thilbolthei ( power to perform) kemtheilou/ thitheilou ( eternal), hoitah leh phatah a pansa ( beauty and order) ahi atiu ahi. Chule Logos hi van le lei pumpia thiljouse hi phataha aumna dingdol a umsa

chule ahina dingdol a hisah ahi tia atahsan u ahi. Chule mihem khat kipa nale lolhinna jong hiche Logos theory hi phatah a sim-a, he-a chule jui-ho chung a um ahi atiu ahi. Miikhat chun Logos hi agel khoha ajuile ama chu midang sanga chihna le thilhetkhen na jong anei ding ahi atiu ahi.

Hijeh a chu Stoic ho thuhil hi

Greek gam pumpia kithanga chule mijousen agelkhoh cheh ana ahi. Lekha simhon school a ana sim uva, insunga nule pan jong chate hilna ana nei uva, chule jalhang laha jong kipui hoina le kipui jangna ana man u ahi. Hijeh-a chu Hiche hin podoh stoic ho chu minjong ana ngaisang uva chule ama ho jong kiletsah tah-a ana khosau ahi.

2. John in Logos aman dan: Gospel lah a John in asut Gospel hi aki jih geipen le Juda gampam lang peh a kijih ana ahi e. 100 AD vella chu Ephesia khopia ana jih ahi tin Bible them hon aseivin ahi. Ephesia hi tulaiya Tur-

key gamsung khu ahi tai. Chule John in Gospel ajih hi Christian holah a jong Greek chondan le hamle pao mang ho adia ana jih ahi ( Christian from Hellenistic Background). Adeh a Juda gampam a cheng Jews hole Gentile Christian ho chun hiche stoic ho thuhil “:Logos” hi ana het mama u ahi. Hijeh a chu John in Gospel ahin jih-a hi nanghon Logos natiu chu, koima dang ahi pon, Jesu Christa ahi tia ama ho hetthei nadia Logos chu pansahna aneiya hichea konna chu Jesu Christa chu ahin seiphong ahi. Pathen in asim jouse phatthei boh ta hen.

## TAHSAN TWILUT NA



Nisim 28th February 2021 nikhon KBC Gambih no. 7 hopsunga um S. Saheibung B/Church akon in sopi mi 6 tahsan twilut na (Baptism) gambih pastor khut'a anei tauvin ahi.

## Mission Column

Rev. Tongmang Haokip

### 1. Mission Sunday Unit Christian Chrch 2nd MR Imphal.

Nisim 31st January 2021 nikho hin Mission Sunday leh Faith Promise day nikho In Uni Christian Church 2nd MR Imphal'a Speaker hina in kakimangin ahi. Hiche nikho hin Missionary ho commissioning service leh Tahsan kitepna jong akimangin Pathen lungset in lolhing tah in kakimang chan ahi.

### 2. Hallelujah Prayer Band Taokhom kimang

Nisim 4th February nikho hin Motbung in mun'a Hallelujah Prayer Band Taokhomna kai mangin ahi. Pathen lungset in mi 100 lang aki taokhomin anom lhez jengin ahi. Pathen in Hallelujah Prayer Band Phat thei boh jing taken.

### 3. Urban B/C Thaomeiband Thensona leh Rev Mangkholen Kipgen Ordination chan kipapina.

Nisim 6th Feb, 2021 nikho in Urban B/C Thaomeiband New Building chu thensona kin Rev. Dr M. Thongkhosei Haokip General Secretary in kot hona leh thensona aneitai. Chu toh lhon chun Rev Mangkholen Church Pastor Christian Ministry a dia Ordination ahung chana chungu kipa pina maicham kin jong akineitan ahi. Hiche kina Gospel message tilkhouna chu Rev Lamkeng Lhouvum Mission Secretary KBC in aneitai ahi.

### 4. Saheibung B/C No/ 7 Faith Promise day kimangta.

Nisim 7th February, 2021 n Sunday nikho hin Saheibung Baptist Church mun'a Mission natoh na dingin Faith Promise day akimangin ahi. Hiche kina din Rev Lamkeng Lhouvum Mission Secretary Speaker in apangin ahi. Houbung mite, Thanom tah in ahung pang khomun kipa umtah chu Saheibung Houbung te hi tu kum'a kon'a Mission support na a hi lha khatna Rs.8000/ ahin peh panu ahitai. Pathen thangvah in um hen.

### 5. Tripura Mission field visit le Missionary Lenkhohao Haokip thahna:

KBC Mission tohgona naoija KBC Mission field Tripura di Missionary Lenkhohao Haokip chu nisim 9th February, 2021 nikho chun akithah tan ahi. Hiche kin'a din Pu Thangkholun Haokip Vice Chairman le Pu Neka Vaiphei chuleh Mission Secretary Rev Lamkeng hon agathah taovin ahi. Hice nikho hin Agartala Airport na Missionary Seikholen



Guite , chuleh Pu Jempu Haokip Manager lar controller Agartala in eima lamtouvin chuleh Pu S Jempu Haokip Office a chadonkhomna jong akineijin ahi. Field visit ho akibol jouvin vil; thei thei adeh'a Rev Letthang Gangte ESC leh atoh khompi ho, chuleh Partnership a tohkhompi Saisawmsajai Baptist Association lamkai pu jong kimuitona anikeijin ahi. Chuleh Tripura Mission field Houin sah na ding mun le Tuition Centre mun ding ho Rev Lamkeng Lhouvum Mission secretary pan Thensona leh kot hona aneitana ahi/. Pathen thangvah in um hen.

### **6. Sugnu Mission field visit leh Lonpi Khonou Houbung vilna.**

Nisim 14th Feb, Sunday nikho hin Rev Ibomcha, Rev Jitten toh Sugnu Mission Centre Serou Mission Centre chuleh Lonpi Khonou Houbung vilna akineijin ahi. Hiche nikho hi Missionary Haridas leh Missionary Abraham Lunminthang Touthang kikhut khelna jong aumin ahi. Lonpi Khonou Houbung a Mission natohna promotional work thudol'a ki houlimna akineijin ahi. Adeh a Sugnu Mission Centre sah doh na ding a Lonpi Ihonou Head Deacon pu Thing cubit 100 qatoh in, chuleh Gambih 21 chairman in Cubit 50 ahin pen ahi. Pathen thang vah in um hen.

### **7. KBC Mission field Arunachal Pradesh visit kibol.**

Nisim 16-20th February, 2021 sunga Arunachal Pradesh KBC Mission field visit akibolin ahi. Hiche toh kilhonin Missionary Ng. Lhingneikim@ Neoshi Haokip leh Gl. Hemkhochon@Chochon Haokip Mission field a din akithah in ahi. Hiche kina hin Pu S Athang Haokip Chairman leh Pu Haojakam Doungel leh Mission Secretary Rev Lamkeng ho avai konun ahi. Miss Lhingneikim hi Tabitha Girls Hostel Waden apoh ding, GL. Hemkhochon hi Mile 20 a Church toh kithokhom'a na atoh ding ahitai.

KBC in **Tabitha Girls Hostel** run kibol sunga Ng. 23 ho aumun lekha jong athem thei l'heh jengun kipa aum e. Mishmi Baptist Church Council Union hon jong kipah tah in eina vailhunun ahi. Chuleh Houbung kiboipi ho vilna akineijin adeh in Biekuilian B/C hon hoitah in eina lam touvin Missionary Haolental leh aloinu jong gunchu tah in apangun kipa aum l'heh jengin ahi.

Alhang pi a vet din Arunchal Missin field Missionary ho hi agunchu thei l'heh jengun lung lhai aum l'heh jengun ahi.

### **8. Rev A Sen Ordination kipapina:**

Nisim 21February,2021 Meitei Mission field a Missionary A.Sen Pastor Keikol tuchung Assembly a ordination achana chungu kipa

pinma maicham semin aumin ahi. Hiche kipa pina chuin Mission Board jong pan akilan chuleh Rev Lamkeng Lhouvum kin Thempu in apangin ahi.

### **9. K. Molpi B/C KBC No 19 Upate Camp:**

Nisim 25-28th Feb, 2021 sunga Rev Lamkeng Mission Secretary leh Rev Mangkholen Pastor Urban Church Speaker leh Camp Director hiona in K. Molpi B/C KBC No. 19 Upa te camp ana umin ahi. Pathen lungset in upa mi 40 akikhom doh in nom tah in Programe ache lhan ahi. Pathen thangvah in um hen.

### **10. Compassion Tuition Centre Thenso hita:**

KBC Mission tohgon na noiya Mission focus in KBC Centre Church Molkon Bazar mun'a Compassion Tuition centre khat nisim 25th February nikho chun Rev Lamkeng Lhouvum Mission Secretary in Pathen minin Lhadohna aneitai. Gambih tha lhengin Gambigh Pastor, Chairman chuleh Centre Church Board of Deacon ho leh KBC Mission Board thalhengin Board Chairman Pu S Athang, Pu Leinboi Singsit chuleh Pu Haojakam Doungel ho jong apangun ahi./ Hiche Tuition Centre hi Evangelist Pretty Lhingneilam Kipgen Mopohna na noiya umding ahitai.

**Thuchaina:** Missiona tohna chomcha Report kapeh thei jeh in Pathen kathang vah e. Pathen in KBC Pathen natohna phat thei boh jing taken.

## **GAMBIH 1 YOUTH ANNGOL TAONA**



Gambih-1 Youth Department in February 13, 2021 nikho in L. Songphel Baptist Church a "Thum mun kipe ding nahiuve" (Matt. 7:7) ti thupi mangchan Anngol taokhom na ana nei jin, taokhom na a khanglai 300 vel in pan ana lauve.

## SHALOM THEOLOGICAL SEMINARY (STS) THUSIM ACHOMLAM

Pathen lungset jal a 2020 kum ihung galkaiyuva 2021 kum ihung lut-uva, natoh ima athah a ihung kipat kit tah-u to kilhonin, KBC in Shalom Theological Seminary ibolu hi ipijeh a ibluva, iti iboluva, pan iti ilah diuham, tiho ihet them louvu akhoh in, ihet them theina diuvin, sao salheh jong leuhen achomlam a STS thusim hung kipe hi pontho tah a inasim tei diuvin Pakai minin iktemuvin ahi.

Shalom Theological Seminary, achomlam a STS tia kihe hi KUKI Baptist Convention (KBC) in KBC gam sung hihen, gampam a kon hihen, numei/ pasal koi hijongle Christa a pentahna le hinna kicheh tah neiya Pathen thu hetbe nom hon Pathen thu ajalna diu, chule Pathen thu jilna le Pathen natohna dia kichuhna neinom chan kichuhna (Training) pehna dia KBC in kiphut doh Pathen thu lam a them jilna mun (Theological College/institution) khat ahi. Hicheto kilhon chun Shalom Theological Seminary (STS) thusim hi achomlam tah in anoia kipeho bangin veu hite.

### 1. Ahung Kiphudoh Dan

Pathen thu lam a kihilna le kichuhna munpha khat neidoh teiding hi phat sot pia kon a KBC lamkai masahon lunga naovop banga anavop jingu ahitai. Hito kilhon chun houbung lamkai (adeh a houbung Head Deacon) ho kichuhna (Short Course Training) anakipeji in ahi. Hitobang kichuhna hi pilhing dom a boldoh ding ti tup le doi anahi jing to Ihonin, 2010, November Iha chun, South Korea gam a Jesus Mission a President Rev. Dr. Kyusokseo chu Mission Seminar a thusei din anakikouvin, hichea chun KBC in phat sot tah anagal dot jing Pathen thu lam a them jilna lam hi amato kitho khom a bol dingin temna anakineiyin ahile, aman jong pha anasah a, natoh pat dinga anathumop dungjuiyin ahung kichejom pi in ahi.

#### 1.1. Leadership Training Institute (LTI)

Hitobang kichuhna hi minvo/ minsah lou akhoh tah jeh in, 14th March, 2010 nikhoa Managing Committee Meeting Resolution

No. 2 na a, minsah ding chung changa kinoptona dungjuin, Leadership Training Institute (LTI), tin ahung kiminvo in, hito kilhon chun 14th September, 2011 kumin Rev. Dr. Kyusokseo, President, Jesus Mission, South Korea, Minister hina in thenso anahitan ahi. Hiche Training Institute hung kibol lona hi, KBC gamsung hihen, apam lam a kon hijongle mi paova gamlatah tah a Traininga gache joulou, ahivanga aumna houbungin mangcha nom lheh jeng, hitobang miho chu Training phatah a peh a Pathen leng-gam a dia manchah phatah tah sodoh ding, Missionary a chenom koi hijongle ache masanga hiche mun a Training peh masah ding a chutengle sol ding, achesahongong aphant dungjuile ngaichat ahi dungjuia Training peh ding; chule Full-time Ministry a Pathen natongsa ho jong aphant phatah a training bolpeh ding, tiho hi ahi. Hitichun, Rev. D. Dounge Director hina in Leadership Training Institute (LTI) noiyah 15-30th September, 2011 sung chun jil-lai mi 14 panna in Training masapen (1st Semester) anakibolin ahi.

## 1.2. Shalom Bible College & Mission

LTI noiya Training ahung kipeh jom to kilhonin, bulhing tah a Training pehna mun dinga College pilhing tah khat boldoh tei ding ti lungtup ahung umdoh kit tah to kilhonin, Leadership Training Institute (LTI) kiti min chu Shalom Bible College & Mission tin ahung kikhel tan ahi. Hitia amin hung kikhel lona jeh chu ahile, phat le nikho dungjuile khantou dungjuia English pao (English Medium) a Degree Course ho jong hon a, KBC mi jeng seh hilouva, kiloikhomna chom chom a kon a miho, chule Manipur gamsung le mundang/ gamdanga kon a jat dang/ namdang hon jong hiche mun a hi Training ahung lah theina diuva College pilhing tah a boldoh ding ti tohgong dungjuia hitia hi amin jong hung kikhel ahi. Ahin, hiche hi phat sot tah gel bangin tohdoh joulouvin anaumin, hiche kah sung chun Rev. D. Dounge Director hina in Short Course Training (C. Th programme) ho chu anachejom jingin ahi. Hitichun, C.Th 2nd Semester chu 1-15th May, 2012 sungin anakibolin ahi. Aban jomin, C.Th 2nd Batch, 1st Semester chu jil-lai mi 13 panna in 4-19th March, 2013 sungin anakibolin, abanin, 2nd Semester chu ji-lai mi 25 panna in 3-24th March, 2014 sungin anakibolin ahi. Hiche kah lah sung hin Property phabep (Bench 10 le Desk 10) jong anakilam doh in ahi.

### 1.3. Shalom Theological Seminary (STS)

KBC kivaipohna dungjuia tohmun kikheltona (Transfer & Posting) to kilhonin, 2017 kum a pat in Rev. Jangminlen @ J. Silas @ Boipu Haokip in Director tohmun chu ahinlo tan ahi. Rev. Silas in Director tohmun ahinlo to lhonin, Degree Course pat dinga anakisei jing banjomin, 2017 kum a pat chun Three years Bachelor of Theology (B. Th) Course ahung kibol panin, hiti chun anakibol jing sa Certificate of Theology (C.Th) Course le B. Th Degree Course chu ahung kibol jomin ahi. Hiche kah lah hin Deacons' Training jong akibolji in ahi. Degree Course akibol tah le Senate of Serampore ahiloula Asia Theological Association (ATA) khat pen pen a Affiliation neilou akhoh tah jeh in, 2019 kum chun ATA ho anakikouvin, thalhengin Uday Kumar ahungin, vet lhahna ahung neiyin, ATA noiya Affiliation mutheina dia ngaicha/ bol-lou le neilouva khoh (Requirement) ho phabep einasei peh-uvun ahi.

kivaipohna dungjuia tohmun kikheltona (Transfer & Posting) ahunglhun kit tah to kilhonin, 2020 kum, February lha a pat in Rev. Dr Paokhohao @ Haoneo Haokip in Principal hina tohmun ahinlo kit tan ahi. Rev, Dr. Haoneo Haokip in STS Principal tohmun ahinlo loa pat in, 7th February – 13th March, 2020 sung chun, 2019 kum a KBC a natong dinga kilathah Pastors, Missionaries le evangelists ho Orientation Course anakibolin, STS Faculty ho le Student ho jong sun le hiche kin a chun aki-boiji in, jan tengle Class anakibolji in ahi. Hiti chun ahung kiche jomin, 2nd June, 2020 nichun STS thusim a mang talouding B. Th First Batch ho mi 6 Graduation Service anakibol peh tan ahi. Vangphat umtah le Pathen lungset jalin STS a kon a B. Th chai First Batch ho lah mi 3 (Mr. Gingoumang Kilong, Baptist Church Phoibih, KBC Gb. No. 4; Miss Ngaijalhing @ Ngainu Kipgen, Baptist Church S. Phailengkot, KBC Gb. No. 2; chule Miss Sobha Singh, Hindi Baptist Church, Moreh) in KBC a Mission Department noiya na atongpai jeng tauvin ahi.

### 2. Affiliation Munading Natoh

ATA noiya Affiliation muna ding natoh banjom ding akiti laitah in, Senate of Serampore noiya kum sot pi B. Th Course anakisumang sa chu, 2020 a pat a bolkit tah ding ti thu akijah doh to klhonin,

Senate of Serampore noiya Affiliation din Application anakisep in ahile, Pathen lungset jalin amahon jong eihin donbut pai jengun, Affiliation muna dinga boldoh/ toh doh dinga ngaicha (Requirements) ho bolna ding jih doh tho (Written document) in Self Evaluation Form kiti khat eihin thot pai ngal jenguvin, hiche chu Principal pa le Faculty ho kithokhomin hatah in anakiboipi in, aphot homin Senate of Serampore Registrar pa anakithot doh in, ahin, vangset umtah in Covid-19 natna jeh a Senate Office a natoh ahiding banga anachethei tah lou jehin, Meeting jong anaum thei tapon ahile STS Affiliation kidel thu jong anaseivah thei tapouvin, Pathen lungset jal a thu ahung oldoh to kilhonin Senate in jong Meeting jong ahin neitheu tauvin, Meetinga STS Affiliation kithum thu ahin gelkhom nauva chun, Commission solding phatsahna ahin nei tauvin, Commission Team a mi 4 hung din aumtauvin ahi. Ahung tengule alung lhainau banga angaicha (Requirement) ho chu anakisuh bulhit jouva ahile Affiliation eipeh diu ahitai. Hatah a kigotna pumin Pathen a itaonauva kop jingute.s

### 3. Tuchan a Natoh Machal Dan

Kum phabep pi Gamnom Sapormeina mun a Temporary Campus a anakium chu, Senate of Serampore noiya Affiliation kidelna a angaicha ho dungjuia kigot lou akhoh tah jeh in, 2020 kum June lhasung chun Infrastructure lhin jepna mun S. Lhangnom mun a anakichon tan ahi. Hicheto lhon chun Office, Class room le Student ho lupna touna ding thil (Bed, Desk, Bench, Table, Chair, chule angicha thil dang dang jong) tampi akilamdoh tan ahi. Library Development jong hatah in akibolin, tuchanin Library a lekhabu 10,000 (ten thousand volum) val akikoitan ahi. Chule Office le Library a manchah dingin Computer 4, Xerox Machine len 1 le Printer 2, lekhabu koina (Racks) 20 val akichodoh in, Light/ electricity achatvai tengle Power Supply din Machine le Bateery len 4 jong akicho in. chule Office a ding le Dining Hall a ding Refrigerator, cha omna le angaicha thil dang tampi akilamdoh tan ahi. Chule tuhin Dining Hall athah khat le Men's Hostel sahna natoh akipan kit tan ahi. Hichea dinga hi sum tampi lut ding ahijeh in, Convention le houbug ho jouse, chule mimal a Pakai min a pan hatah a ihinlah-u angaiyin ahi.

### 4. Tuchan a Jilkung, Jil-lai le Office Staff

Jat, Chule kimanchah Dan Tuchan hin STS jilkung M. Th a pat chunglam Degree neicheh Core Faculty mi 8 le Visiting Faculty mi 5, Student mi 21, Assistan Librarian 1 le Chowkidar/ Care Taker cum Peon 1 akiumin, idamuva pathenin



pha sah le March, 2010 a pat a Librarian 1 le Office Assistant cum Accountant 1 jong ineibe diu ahi. Student ho hi tahsa le lhagao hinkhoa khantou machalna (All round development) aneidiu hatah in akigelkhoh in, Class a Subject ho kihilna chung chonin Extra Curricular Activities (Devotion, vesper serive, Sunday worship service, Music class, Scripture knowledge kibe jingna dia Bible text simjing, Practical Ministry, games & sports, social work le adang dang) aki-bolpi jingin, Pathen deilam hinkho manding dan le chonchan pha ahikil jingin, akitilkhoh jingovin ahi.

## 5. **Hetthem Louva Khohtah**

STS thua Convention lamkai ho, Workers ho, gambih lamkai ho, houbung lamkai ho le houbung mipite housen ihetlou-uva khohtah khat chu, KBC in Theological College ibolu hi sumtong delna (Profit making) dinga ibolu ahipon, pathen natong ding mi semna a Pathen leng-gam natohna (Theological ministry) a ibolu ahi. Hiche hi tunichan a Convention lamkai ho hihen, Woker ho hihen, houbung miho hijong leu hen, mi tampin hethem behseh lou, gelkhohna nei behseh lou le hiche College khantou machalna ding le pisona ding le tosotna dinga pan lahna ding lungthim ivop behseh lou pao hi thil phamo tah khat chu ahi. Kipana Thupha het-tohsah dia munchom chom a Missionary isolu jong Pathen leng-gam na itoh nau lentah ahi; hiche bou, bou hi Mission natoh hilou ahi; Pathen natohna a thildang dang bibol hou jouse jong hi Mission natoh ahi, ti hi ihet themuva, STS ibolu jong hi Mission natoh ahi, ti ihet htemuva, hichea dinga jong hi pan hatah a ilah louvu akhoh in ahi.

STS hi iboluva, ipat ngaluva, ichanham khat ihinphah-u ahitan, hiche hi hatah a igel kho-uva, thildang dangho sanga gelkhohna (Priority) ipesh phot-uva, pilhing tah a boldohna dinga pan hatah a ilah louvu akhoh lhez jingin ahi; ajeh chu, hiche College hi amin mai, maiya a imoh bol mai, maiyu ahipon, tua B. Th chanbou kibol hi achaina hilouva, B.D, M. Th, le Doctorate changei simtheina College khat hinsodoh tei dinga kigong ahitai. Hiche College hi pilhing tah a ihin boldoh-uva, hichea kon a hung kijil mihon Convention sunga na ahintoh tengule bou natong (Worker) ho lah a thuhil dan le natoh dan a kitomona le kikalna umtalouva, kitoh tah (Uniformity) a natoh khomna hung um a, chutengle khantou machalna lam hatah a kimano thei ding ahi; ajeh chu, hiche mun a kijil ho chu ikiloikhomnau KBC kivaipohna dan le chena lhongpi to kitoh a kijil diu ahitai. Hitobanga hi hou kiloikhomna (Religious Organization/

Association) tampin Theological College hi imalam jousea tingpi gu (Backbone) tobanga abol a aneicheh-u ahi. Hitia hi, STS hi thu le la, chule natoh/ thilbol ima a Convention a dinga kitol tohna bulpi le khompia det-tah khat a hung pang ding ahi, ti hi het thema, pisona ding gelkhoh tah a, amitakip in sumsel louva (kiphal thengs tah a), hatah a pan ilah louvu akhoh tan ahi. Hito kilhon hin, anoiya hung kipehoa jong hi pontho tah a pan ihinlah kit diuvin Pakai minin ikitemuvin ahi.

### **Shalom Theological Seminary (STS) Share - 2021**

KBC in Bible College ibolu Shalom Theological Seminary (STS) tosotna a, Kum sim a houbung mi Baptized Member khat a Rs. 30/- (Rupees thirty only) ipeh jiu chu tukum (2021) a jong houbung miten ihin gel khoh-uva, aganna thei pen a ihin peh doh tah diuvin Pakai minin temna le hetsahna ahung kineiye. Hiche chung chang thua achen achaiya hetsahna lekhatot (ahoubung, ahoubunga member jat le apeh diu sum jat) houbung jousea hung kithot doh ahitan, lekhatot anamukhalou ho jousen jong ihet cheh theina diuva avel a hiche KBC thuso a hi hetsahna hung kipekit ahi.

Certificate of Theology (C. Th) Programme chung changa Hetsah Tumasanga anakibol ji Certificate of Theology (C. Th) programme, phat chomkhat anakibol jomtalou chu kibolpan kit ding ahitan, tukum a dinga First/ Spring Semster chu ahung lhung ding 4 – 28th May, 2021 sunga, Shalom Theological Seminary, S. Lhangnom, Kangpokpi Disrict mun a kibol ding ahi. Hiche Course a pang dinga lunglutna nei jouse ina kigot pat theiyu ahitai. Kigot theina dinga het ding dol ho anoiya bangin ahung kipe e.

#### 1. Course Fee

- |                    |              |
|--------------------|--------------|
| • Mess fee         | : Rs 2000/-  |
| • Tuition fee      | : Rs. 2000/- |
| • Stdudy materials | : Rs. 1000/- |
| Total              | : Rs. 5000/- |

2. Apang ding jousen houbung Head Deacon le Gambih Pastor het pehna lekha ahin kipoh cheh diu ahi.

3. Apang ding jousen janpon le thoupon, chule ama ngaichat thil (si le chen, labu, Bible, Note book, pen ect) ho ahin kipoh diu ahi.

4. Apang ding jousen ageipen a Mobile number kipeho a hi amin, houbung min le Gambih number ahin hetsah diu ahi. Principal No. -7005535033/ 9089593092. Vice Principal No. 7005017150. Gambih

Pasgor pa a kon a jong kijah mat to thei ahi.

5. Class VIII le akibahpi a pat chunglam thepna neiya, Pathen natohna dinga Pathen thu hetnomna neiho pangthei ahi.

### **Pallen Molnoi Area Deacons' Training**

Covid-19 natna jeh a 2020 kum a dia Pallen Molnoi Area Deacons' Training anakibol thei talou chu, tukum (2021) sunga chungla kisei C. Th Programme akibol jou lang le kibol ding ahitai. Hichea dinga hi Pallen Molnoi Area langa Deacon ho jouse kigosa anaum jing dingin temna le hetsahna ahung kineiyin ahi. Apat/ anikho le Kimanchahna ding achen achai (Detail programme) apat kon langle hug kihetsah ding ahi.

### **STS Dining Hall cum Kitchen le Men's Hostel Sahna**

Senate of Serampore noiya Affiliation muteina dia hatah a kigotna akineito kilhonin, Comission Tam ho hung kah a alou theilouva tohdoh louva khoh ho lah a tuhin Dining Hall cum Kitchen le Men's Hostel sah (Construction) le asunga umding furniture ima ho sem akipanin ahi. Hichea dinga hi sum tampi lut ding ahin, toh doh teina dia amitakip in igelkhoh-uva pan hatah a ihinlah louvu akhoh in ahi. Hijeh chun, Convention Office (General) akon hihen, houbung hoa kon hijongle STS ibolnauva ipeh diu dol ho hatah a ihin gelkhoh-uva ihinpeh doh-uva, chule houbung ho le mimal a kon a jong atum a sum le paiya Pakai min a pan hatah a ihinlah cheh diuvin Pakai minin temna le taona ahung kineiyin ahi.

### **Director or Principal?**

Til-laiya Leadership Taining Istitute a inabol laiyuva Head Administrator, 'Director' inatui chu, Shalom Theological Seminary (STS) tia Degree College khat a ihinbol doh tah-u to kilhon a, chule Senate of Serampore Pattern ichepi tah-u to kilhon a, STS Head Administrator hi 'Director' titalouva 'Principal' joh ititah diuvin Convention mipi jouse hetsana ahung kineiyin ahi.

Sd/-  
Principal, STS

## 1. Hetsah ding a dei um ban jom ho:

A. Sunday School Awareness Programme : Ningkum 2020 in Sunday School Awareness Programme chu ana che lhah hih jong leh tukum 2021 vang taona pum a thanom tah a pan ilah nadiuin Pakai min in temna ahung kineije. Assembly in aphasah dungjujin 2021 kum a hio mun ni a bol ding akitin, hichu KBC No. 10 (Singngat Area) leh KBC No. 17 (Chassad Area) teni hi deilhen ahin, aphasah leh anikho hi Lamkai ho kihet to dungjuja ikiman khom diuin hetsah na leh temna ahung kineije.

B. KBC kivaipoh na dungjuja KBC Literature & Publication in tohgon kinei ho chu :

- i. Bible pumpin 5(nga) vei simchai mi 10 kipa man peh ding : Hiche hi 2020 kum a banga nga(5) simchai kipa man peh kit ding in pha akisai. Hinlah het ding khat chu asim jousen Centre Church member hon Centre Church Pastor chule Local Church hon Gambih Pastor pa hetpeh na ngai ding ahi.
- ii. Guitan lou Bible simchai ho kipa pina : Hiche hi kum dang a kibol kha lou hi jong leh Houbung miten Department, Houbung chule Gambih level a hijong leh Guitan louva Bible pumpi simchai ho kipa pi na jal a chadon na ding beh hi jong leh Rs. 2,000/- peh ding in pha akisah toh kilhon in asimchai jousen Houbung/Gambih Pastor/Literature Secretary kom a hetsah thei ahi.

Pathen in KBC Phatthei boh jing taken.  
Kakipah e.

Pakai Lenggam a nalha chau,

Rev. T. Thangkhosei Haokip,  
Secretary  
Literature & Publication, KBC

## KUKI CHRISTIAN-HO LAH'A AMASAHO

- 1. Pu Dongkhothang Singson, MTh chu Kuki Christian-ho lah a Manipur Bible Institute (MBI, tua MTC) a Principal masapen ahi.
- Rev. Dr Hawlingam Haokip chu Kuki Baptist Christian-ho lah a MBC le CBCNEI a President maspen ahi.
- Motbung Hou-in 1956 kum a Thensona ana kinei chu Kuki Baptist Christian-ho lah song (stone) a kisa Hou-in masapen ahi.
- 1982 kum Imphal Deulahlane mun a Rev. Dr Dongkhothang Singson Principal masapen hina a ana kiphut doh "Trulock Theological Seminary" (TTS) chu Kuki Christian-ho lah a Theological Seminary kiphut doh masapen ahi.
- Rev Mangkholet Doungel le Dr T. Lunkim chu 1979 kum a Chawla a anakiphutdoh Kuki Christian Church a Moderator le Administrative Secretary masapen ahihon e.
- Pu Dongkhothang Singson chu Kuki Christian-ho lah a Bible Training a kisol maspen ahi.
- Dated 22-26 February, 1965 a Tujangvaichong mun a Golden Jubilee ana kibol chu Kuki Baptist Christian-ho lah a Jubilee kibol masapen ahi.
- Pu Dongkhothang Singson, MTh chu Phaicham Centre Bible School a Headmaster masapen ahi.
- Rev. Dr. Tongkhojang (T. Lunkim) chu Kuki Christian-ho lah a Holy Bible ledoh masapen ahin June 20, 1971 nikho a Molvom, Nagaland a Dr MP John, Auxilary President, Bible Society of India panna a anakithenso ahi.
- Pu Ngulhao Thomsong chun 1928 kum in Bible Kitepna Thah eipaovin analedoh in Kuki Christian-ho lah a New Testament ledoh maspen ahitai.

## TAHSA LE LHAGAO HINKHO PUIHING THEI THUGOLHO

- Computer le Phone jong ahung ngongkaiya chule ahung boi tengleh Rebooth akibol ji bang in, kum thah jong tahsa le lhagao Rebooth bol a kithah pet ding ahi.
- Hiche kum hi keiya dingin ka damtheina kum hihen, keiya ding in kei dinga mipha ka kimuna hihen, hiche kum hi kei ding in ka hinkho machalna kum hihen, hiche kum hi keiya ding in natoh muna hihen, keiya ding in Pathen lung ka suhlhaina kum hihen!
- Hiche kum hi kikhelna kum hung hihen, hiche kum hi na kalsangna kum hung hihen, hiche kum hi mi toh kichamdel a na ka tohna kum hung hihen, hiche kum hi kamcheng pha ka tho kum hung hihen, hiche kum hi thilpha ka bolna kum hung hihen, hiche kum hi lunggel thah le hinkho thah ka neina hung hihen!
- Hinkho thah le chondan thah kitiho hi lunggel thah le lhagaova kisemthahna akon hungdoh ahibouvin ahi. Kum thah lut taa hinkho luiya kimangcha jing nalaiho in kipana thah anei lou dingu ahi.
- Na natohna mun a mi tamtah in na hin phunkhum dingu ahi, na hin seiset dingu ahi, na hin chaideh dingu ahi. Ahinlah thil ijakai hi eima dinga hung umji ahijeh in ana kisuhat inlang na mailam a ana kalsong jing in.
- Hinkho kiti hi leisetna Exam lahlah a ahahsapan ahi. Leisetna Exam avang ibon chauvin Question Paper kibang chet imukhom uvin, amavang hinkho avang Question Paper chom cheh eikipeuvin ahi.
- Israelte chu phaicham hihen thinglhang hileh galjona ana nei uvin, mihon vang thinglhang pathen le phaicham pathen anei uvin ahi. Pathen in na umpi leh thinglhang hileh phaicham hileh na mission chu na lolhing thou thou ding ahi. Mi hon na natoh ahin vet uva ahin pachat nalaitah ule aphatchompi nalaitah uchu nang ding nanatoh ding mun hoipen chu ahi. Pathen mite ding in vang mu athim Bible achun Abraham in Lot akikhenpi phat in Pakai in thu ahinseieye akitin ahi (Gen. 13:14). Lot um pet a Pathen in thu

amoh seisei jilou ahi. Lot na kikhenpi ngap chat tengleh Pathen in na jah sah nom tamtah um ding ahi. Lot kikhenpi ngaplouho in Pathen akon thu ajah diu lhom inte. Lot chu na kivoppi le na chungu na pohgiho chu hidu ahi. Na mailam na hinkho chu na lhen ding ham Lot toh umkhom nalai ding na lhen ding ham?

## ONE-DAY WORKERS RETREAT KBC GAMBIEH NO. 7



KBC gambieh no.7 assembly 2021 Joujangtek Centre Church a kiphatsah na banga Gambieh workers retreat neiding ana kisei chu 27th Feb.2021 (Saturday) nikhon lolhing tah in ana kichai tai. Gambieh tongkhom cheng mi 21 Bolero 3 in akikal song ahi. Jinkah lam 8:10 am in Elijah Prayer Mount, Gothol akilhung in 12pm Chen taokhomna program akinei e. Chujouvin EBC Administrative Office le Grace Bible College hoa akichen EBC te kivaihom dan le amachal dan hou mit tah a muthei tampi akivelhan ahi. Amun thum chan na in Geljang Resort mun jong akichen phat chomcha kihuilha na akinei khom in ahi.

### HETTHERI PHABEP:

1. Tuchung hin gambieh workers cheng lhagao le tahsa lam'a kisuhal aphatchom dan nasatah in akihechen e.
2. EPM development tampi jong muthei a um e.
3. EBC te kivaihomna anasat dan le akhantou nau tampi akimudoh in eiho dia jong kitilkhouna le kihilchah nathei tampi akimudoh e.
4. Resort kiti itobang ham, chuleh mihem iti kimanchah ham ti ho jong akimudoh e.
5. Nikho khatbou hijong le gambieh workers cheng din kimelhet na le kingailut/kilungkhatna apunbe sah e.

Pr. Letkhason Haokip,  
Gambieh Pastor



# ADVERTISEMENT

*(Shalom Theological Seminary a Librarian Ding Kouna)*

*KBC Council 2020 STS Recommendation No.3 (Vide Resolution No. 5/EC KBC/2020: Theological Education Board) le 68th KBC General assembly 2021, B.Vengnom a kiphatsahna (Vide Assembly Resolution No. 8/68/KBC-GA/2021: Shalom Theological Seminary (4) dung juiyin, Shalom Theological Seminary Libray a natong ding Librarian khat lahding kiti chu noiya kipe hoa lhinna nei hon apply nahin bolthei u ahi.*

- 1. KBC houbung mi hitei ding; mipeng thah le Pathen ging, kipeh thengna neipum a lunglut tah le thanom tah a Pathen natong nom; neh le don a kitup; thua nung (sei ngai) mi huding.*
- 2. BD a pat chunglam Degree nei mi hiding (hicheho chungvum a B.Lib Degree nei mi Preference kipe ding), chule Computer hethem le tham them (Computer knowledge phatah nei) mi hiding*
  - Documents ngaicha ho le adang hetlou/ le bol-louva poimo ho application form a kipe dungjuia bol ding.*
  - Min (Application Form) peh lutna phat ageipen a 20th May 2021*
  - Interview (DPC) nikho 27th May 2021*
  - Application Form hi General Secretary ahiloule PA kom a peh ding; atahsa tah a Hard Copy a pemanlou hon WhatsApp No. 7085979446 (G.S)/ 9366009175 (P.A) hoa thot thei ahi.*
  - Application Form Hard Copy hi KBC Office a P.A kom a muthei hiding, Soft Copy hi KBC WhatsApp Group hoa jong hungkipe ding ahi.*
  - Interview/DPC nikho le Document ho Original Copy kive ding ahi.*

*(Rev. Dr. M. THONGKHOSEI HAOKIP)*  
*General Secretary*  
*Kuki Baptist Convention*



*28th February 2021 nin Molnom B/church a mi 8 in  
Tahsan tuilut na anei tave*



*National Science Day IGG College Tezu a KBC Mission Hostel (TGH)  
um chapang hon Hostel minnin 28 February nikhon pan analah naove.*



*Gambih No 15 a um M Chahnou a tahsan tuilut na kin  
Rev. Thanglen Haokip Gambih Pastor pa lamkainan aki nei tan ahi e.*

Post Regd. MNP/81  
Regd No. 18134/88



**Participants of KBC School Teachers Orientation  
Inaugural Function, at Dr. Colvin Academy,  
Moreh from 15-17 February 2021 with CER, Gambih Pastor & C/C Pastor.**

If undelivered, please return to  
**The Editor, KBC Thuso**  
KUKI BAPTIST CONVENTION  
Opp. DM College, Imphal - 795 001  
Contact: 9862678174